

8-7
ORATIO
I N F U N E R E
FIDELISSIMI LUSITANIÆ REGIS
J O A N N I S V.
H A B I T A

In Templo S. ANTONII ejusdem Nationis,
dum ei Regio nomine parentaretur
A' SEBASTIANO MARIA CORREA
SSm̃i Domini Nostri Prælato Domestico, Regizque
Domus ipsius Nationis de Urbe ad præsens
GUBERNATORE.



R O M Æ MDCCLI.

EX TYPOGRAPHIA HIERONYMI MAINARDI.
SUPERIORUM FACULTATE.

J O S E P H O

Lusitanorum, atque Algarbiorum

REGI FIDELISSIMO

SEBASTIANUS MARIA CORREA
FELICITATEM.



*Unebrem JOANNIS V.
Regis laudationem,
cujus angustis limitibus immensas
Viri Clarissimi laudes circumscribe-*

* 2

re

re conatus sum, dum in hoc Lusitana Nationis Templo eidem Tuo nomine parentaretur, cui potissimum, quàm Tibi, JOSEPHE Lusitaniæ, atque Algarbiorum Rex FIDELISSIME, consecrarem? Quem enim ea propius tangeret, quem oblectaret jucundius, quàm Te, qui rectus virtutis æstimator cum sis, amplissima Parentis tui decora, & olim tacitus suspexisti, & summa nunc cum jucunditate recordaris? Imò si Parentum gloria redundare solet in Filios, & ad eos quodam veluti hereditario jure pertinere; cui gratior, quàm Tibi, accidere posset oratio mea, quæ veram, solidamque Patris tui gloriam, si non ea, qua par est, dignitate, atque eloquentia, genui-

nis

*nis certè coloribus exprimit , contemplandamque proponit ? Accedit
huc , quod cùm ejus vita , omnibus
exornata virtutibus , norma veluti
quædam Christianis Principibus fue-
rit , ad quam mores informarent
suos ; Tibi verò præ omnibus tam
domesticum , ac tam præclarum
exemplar intueri propius licuerit ,
ac libuerit imitari ; ita Te ad om-
nem veram laudem comparasti , ut
ejus virtutes in Te ipso felicissimè
expressas intueamur . Quotusquisque
enim est , qui non audierit omnium
sermone celebrari singularem tuam
erga Deum pietatem , atque obser-
vantiam , mirum erga superflitem
Genitricem amorem , ac reverentiam ,
eximium tuende , propagandæque
Religionis studium , raram in ex-*

plicandis negotiis prudentiam , perspicax in deligendis Ministris consilium , admirabilem in administranda Republica gravitatem , incredibilem demum de omnibus benemerendi cupiditatem ? Quis egregiam , quam de Te jam olim concitaveras , expectationem in ipso Regni exordio Te non equasse modò , verùm etiam superasse non fateatur ? Quamobrem desiperem profectò , nisi meam hanc lucubrationem , qualiscumque ea sit , summo , quo decet , obsequio ad Majestatis Tue pedes demitterem , ut præstantissimi Patris tui virtutibus in ipsa leviter adumbratis , tuarum virtutum splendore , uberior fiat accessio lucis , atque ornamentum . Tua igitur humanitate , ac penè incredibili clementia
fretus ,

*fretus , summis abs Te precibus
postulo , ut laborem hunc meum per-
amanter excipias , ac me tua illu-
stri , potentissimaque clientela , ac
patrocinio tuearis .*

I M P R I M A T U R;

**Si videbitur Reverendissimo Patri Magistro Sacri
Palatii Apostolici .**

F. M. de Rubeis Patriarcha Constantinop. Vicefg.

I M P R I M A T U R,

**Fr. Vincentius Elena Reverendissimi Patris Magistri
Sacri Palatii Apostolici Socius .**

ORA-



ORATIO.



TSI incredibili pollerem ingenio,
& mirifica, ac prope singulari,
dicendi vi, atque copia huc in-
structus accederem, EE. PP.,
fieri tamen nulla ratione posset,
ut dum in FIDELISSIMI JOAN-
NIS V. Lusitanæ Regis obitu
squallet Civitates universæ,
mæret omnis ætas, atque sexus,
jacent bonorum omnium animi in tam gravi, duro-
que casu defixi, oratio ipsa mea squallere quodam-
modo in tanto luctu, & aspectum hominum, ac om-
nino lucem formidare non videretur. Nonne enim
recens acerbissimi vulneris memoria omnem mei ar-
dorem animi sese erigere conantis, tamquam flumen,
obrueret, atque extingueret? Nonne hi parietes ipsi,
qui, atratis obducti vestibibus, lugere quodammodo vi-
dentur, atque in mærore, squalloreque versari; hi
lugubres ritus, & cæremoniæ; publicus hic, justissi-
musque Christianæ Reipublicæ dolor, omnem mihi
detraherent bene, ornateque dicendi facultatem? Nunc
* 5 verò

verò, cùm tanta sit ingenii mei tenuitas, atque inopia, & tam multis præterea inconveneris impedita, ut ea ornamenta orationis, & lumina adhibere nequeat, quæ disertissimi Oratores solent; is verò, de cujus laudibus dicendum est, infinitam propemodum orationi suppeditet materiam; videte, obsecro, quid tandem in hac officiosa eximio Principi persolvenda laudatione à me expectare Vos oporteat. Verùm non idcirco minus Vos studii ad hanc causam afferre decet: solvimus enim officia iusta, ac debita illi Principi, cujus summa est erga Christianam Rempublicam meritorum magnitudo, itaut ipsa Vos res, ipsum officium, ipsa pietas satis excitare debeat, & accendere. Adeste itaque animis, dum tanti Regis laudes, admirabiles licet, ac penè infinitas (ne vulnus diutius refricatum recrudescat acerbius) cursim perstringere, brevique orationis ambitu complecti conor, & circumscribere. Rem paucis conficio, nihil aliud de optimo Rege prædicaturus, quàm quod de eodem rectissimus ille virtutum æstimator, & cultor Clemens XI. Pontifex Maximus olim pronunciavit: * *Fuit homo missus à Deo, cui nomen erat Joannes*. Paucis videlicet Vir sapientissimus multa complexus, illud significare voluisse visus est, peculiari quodam Divinæ Providentiæ munere JOANNEM V. Lusitanix, Algarbiis, aliisque florentissimis Provinciis Regem fuisse constitutum, ut ejus vita omnibus exornata virtutibus norma veluti quædam Christianis Principibus foret, ad quam eorumdem mores informarentur. Vereretur sanè, si de alio quopiam verba facerem, vereretur, inquam, ne quæ dicturus sum, magnificentius dici, quàm verius viderentur. At JOANNIS V. laudes quotusquisque vestrum est,

* In Epist. & Brev. select. pag. 527. Tom. IV.

est, qui non frequenter audierit communi omnium hominum sermone celebrari? Verendum itaque mihi potius esse sentio, ne extenuare eas dicendo videar, quàm augere exornando. Quamobrem oro Vos, obtestorque, Auditores, ut multò majora de tanto Rege Vos ipsi cogitatis, quàm quæ de eodem à me prædicabuntur.

Duo omnino sunt virtutum genera, quibus excellere potissimum eos oportet, qui populis, nationibus, ac Regnis sive hæreditario jure, sive hominum delectu, & consensione regia cum potestate præficiuntur: earum videlicet, quibus debitum Deo obsequium, cultusque defertur, & earum, quæ populorum commodis, veræque felicitati prospiciunt. Cum enim Reges Deus opibus, imperio, ac dignitate supra mortales reliquos evehat; nonne par est, ut ipsi quoque tantæ memores beneficentiæ supra mortales reliquos sese Deo præbeant obsequentes, ejusque gloriam, & cultum omni ope, ac vi latius studeant propagare? Cum verò regia poscat auctoritas, ut eidem sese, suæque omnia populi gubernanda committant; nonne Reges oportet omni studio, animique contentione veræ Subditorum felicitati procurandæ semper excubare? At quanam ex his virtutibus JOANNI defuit, aut verius in eo summa non fuit?

Utque à primo earum genere exordiamur; quanta in integerrimo Rege fuit erga Deum pietas! quanta observantia! quanta religio! Testes sunt Sacræ Lisbonenses Ædes, quæ illum frequentissimè, dum Sacra operaretur Sacerdos, ante Aras in genua provolutum, demissis in terram oculis, vultuque ad summam modestiam composito adstare conspexerunt. Testes sunt illi seclusi penitus, abditique regię domus recessus, qui cum statis diei temporibus omnia dicta, facta, cogitataque sua judicio acerrimo, tamquam aliqua

(IV)

qua statera, ponderantem, deque rebus divinis seriò, ac diutius cogitantem viderunt. Testis est illa Sacra Ædicula parietibus septa domesticis, ubi ille frequenter apud Sacerdotem peccata sua cum lacrymis confiteri, & Sacrum Christi Servatoris Corpus mira pietate accipere consuevit. Testes libri illi, quos seu de rerum humanarum despicientia, seu de cælestium magnitudine graviter, sapienterque conscriptos notet, atque dies studiosissimè evolvebat. Testes denum tot Religionum sive Duces, sive Milites, quibuscum non infrequenter pia miscebat colloquia, quorum crebrò sapientissima excipiebat consilia, quos, ut uno verbo dicam, in oculis ferebat, summaque diligentia, atque incredibili studio tuebatur. Quid miram ejus commemorem erga Sacros Ministros, ac Romanum præsertim Pontificem, reverentiam, in quibus Dei ipsius, cujus vices in terris gerunt, majestatem colere, ac venerari videbatur? Quid summam Christianæ Religionis, Sacrorumque curam, quam gessit? Nonne ritus omnes, ac cæremonias, quæ in hac Urbe Religionis Magistra in divinis celebrandis mysteriis, aliisque sacris muneribus obeundis servari consueverunt, diligenter exscribi, ac in Lusitaniam deferri jussit, ut in ea quoque religiosissimè servarentur? Nonne ejus hortatu, consilioque assidua ad Altare, in quo Eucharisticum asservatur epulum, indicta precatio est in Lisbonensibus Templis uberrimo cum Civium fructu, summoque cum Religionis incremento? Nonne solempni pompæ quotannis, qua Sacrum Christi Corpus per medias Lisbonæ vias circumferebatur, & ipse supplex intererat, & Magistratus omnes, omnesque omnium ordinum homines interesse jussit, ut Reparatori Sanctissimo non modò è suis convulsa sedibus Urbs, verum etiam Lusitania tota publico illo ritu famulari se profiteretur? Nonne opulentissimum Pa-

Patriarchale Templum à fundamentis extruxit , pinguiſſimis redditibus locupletavit , variis Sacrorum Miniſtrorum ordinibus auxit , pretioſiſſima auri , argenti , gemmarumque ſupelleſtili exornavit , eo videlicet ſapientiffimo conſilio , ut ex tanta rerum opulencia , ac ſumptu infinitam Supremi Numinis dignitatem , cuius externo cultui ea omnia conſecrabantur , Luſitani facilius intelligerent , ac religioſius venerarentur ? Dies me deficiat , Auditores , ſi perſequi velim omnia ſingillatim , quæ REX FIDELISSIMUS mirifico ſtudio Religionis incenſus , quamdiu vixit , aut perfecit , aut molitus eſt . Mitto itaque & magnificentiffimè exædificatum Maſtræ Templum , quod & forma , & ornatu , & amplitudine immenſam Vaticani huius Templi molem æmulatur ; & ditiffimum Sacellum Sancto Joanni Baptiſtæ ſacrum , quod in hac Urbe regis extructum ſumptibus cùm paucis ab hinc annis ſuſpiceretis , hæſiſtis ancipites , utrum materia opus , an opus ſuperaret materiam ; & plures Luſitaniæ Sacras Ædes ad pientiffimi Regis preces à Romano Pontifice non modò Baſilicarum titulis auctas , verum etiam ſummis Indulgentiarum theſauris munificentiffimè cumulas . Taceo novos Epiſcopatus , quos in Braſiliæ Regno , quaſi totidem firmiſſimas arces , ad Catholicæ Religionis tutelam , ac munimentum erexit ; Sacra Cœnobia , quæ à fundamentis excitata , hominibus aſperriſſam Magni Franciſci diſciplinam proſitentibus tradidit incolenda ; Collegia plura , quæ inclitis Societatis Jeſu Alumnis aut auxit , aut extruxit , ut ſacris expeditionibus Luſitaniam , aliasque regiones percurrerent , & Chriſtianam ubique pietatem , ac Religionem , quemadmodum felici ſucceſſu peractum ab iis eſt , propagarent . Silco tot eximios divini Verbi præcones , quos , ut ethnica ſuperſtitioni bellum indicerent , ad eas Nationes , quæ in extremas terrarum

oras

oras relegatæ in tenebris adhuc miserrimè versantur , misit , ac regiis opibus liberaliter sustentavit . Non commemoro immensam pecuniæ vim , quam erogare quotannis consuevit , ut Christianos homines sub barbarorum captivitate constitutos in pristinam libertatem vindicaret . Hæc , aliaque plurima tacitus prætermitto ; ne si omnia , quæ de tanti Regis pietate dici possunt , dicere voluero , nullus umquam inveniatur exitus orationi meæ . At illa eadem , quæ commemoravi , tot , tantaque sunt , ut ex iis conjici facile possit , quidquid JOANNES ageret , id ex singulari quodam Religionis Christianæ , & virtutis studio profectum ad earumdem incrementum ab eo referri , tantamque exinde Religiosissimo Regi partam fuisse gloriam , quantam vix fortasse quispiam ante illum sibi comparavit . Floruerint enim alii Reges bellicis laudibus , hostes potentissimos edomuerint , opibus suos auxerint , imperii fines longè , lateque propagarint . Eorum laudes celebrabuntur illæ quidem , & immortalitati , quoad fieri poterit , commendabuntur , sed sic , ut cum multis ethnicis Imperatoribus aliqua ex parte communicentur , & cum Alexandri Magni , Scipionum , Pauli Æmilii , Cæsaris , Pompeji rebus gestis conferantur . At hæc JOANNIS laus , quam nulla umquam ætas conticeſcet , & est omnino propria Christiani Regis , & nonnisi cum Constantini Magni , atque utriusque Theodosii gloria comparabitur , qui cum Imperii Romani majestate , opibus , potentia , rerumque gestarum gloria , tum multò magis pietatis , ac Religionis studio floruerunt .

Verùm quamquàm tantam Religionis , Sacrorumque curam JOANNES gesserit , ut illi uni dies , noctesque vacare videretur ; nihil tamen eorum omisit umquam , quæ ad veram subditorum felicitatem procurandam pro-

prodesse possent . Solent quidem iniqui rerum æstimatores dicere, eos, qui mirifico pietatis studio ducuntur, non ad populorum gubernationem, sed ad Monasticæ vitæ rationem ineundam esse accommodatos . Sed ut eorum retunderetur, atque obmutesceret infania, opportunè a Deo missus videtur JOANNES, qui summam Religionis curam cum optima Reipublicæ administratione copularet . Atque utinam possem hic virtutes singulas dicendo persequi, quarum ope Rex publici boni cupidissimus tot amplas, disjunctasque provincias tam feliciter gubernavit ! Commemorarem summam ejus justitiam, qua sua cuique jura sancta semper, integraque servavit ; incredibilem humanitatem, qua sive advenas, sive cives ad eum accedentes peramanter excepit ; miram in divinis, humanisque legibus custodiendis constantiam, qua, cum esset in omne genus hominum quàm lenissimus, severissimum se tamen in sceleratos, cum res postularet, exhibuit . Exponerem eximiam in negotiis cum domesticis, tum externis pertractandis dexteritatem, qua illud constanter est assecutus, ut non alius, nisi quem præviderat, optaveratque, exitus obveniret . Prædicarem inusitatam illam prudentiam, & admirabile in providendo consilium, quo impendentes regno calamitates avertit, mala depulit, pericula propulsavit ; quo bonorum genus omne in sibi subjectas congegessit provincias ; quo demum, ut in mediis atrocissimorum Europæ bellorum fluctibus non modò Lusitania non jactaretur, verùm etiam otio summo, ac tranquillitate frueretur, effecit . Celebrarem egregiam animi fortitudinem, qua gravissima bella, cum Religio suaderet, suscepit ; singularem felicitatem, qua gessit ; incredibilem ; qua confecit, celeritatem . Dicerem Corcyrensem Insulam solo Lusitanæ classis aspectu ab inhumani Turcarum obsidione liberatam ; Goam florentissimam Urbem delecta

(VIII)

lecta militum manu à barbarorum prædæ inhiantium unguibus ereptam ; frequentes Christiani nominis hostium incursiones in Africa , atque in Asiæ finibus repressas ; efferatos demum Tingitanorum , ac Brasiliensium tumultus compositos , fractos impetus , debellatam audaciam . Verùm has , reliquasque singulares præstantissimi Regis virtutes , cùm mihi per tempus non modò pro dignitate pertractare non liceat , sed ne recensere quidèm enumerando , exornandas aliis relinquo , quibus uberius tributum sit flumen ingenii , & plus temporis ad dicendum , aut otii ad scribendum obtigerit . Regiam illam tamen munificentiam tuam (Te enim jam appello , & alloquor , REX FIDELISSIME) regiam illam , inquam , munificentiam tuam , qua de omnibus benemereri consuevisti , tacitus præterire nullo modo possum . Quis enim ordo , quis sexus , quæ ætas illam non sensit , ejusque desiderio modò non commovetur ? Senferunt Lusitanæ Urbes , quas constratis viis , erectis obeliscis , statuis collocatis , excitatis ædificiis , tantis demum molitionibus extructis exornasti , ut Romanam magnificentiam aliqua ratione æmulari videantur . Senferunt populi , in quorum commodum immodico sumptu peregrinas aquas è longinquis regionibus per extructos magno molimine sublimes arcus advexisti . Senferunt literæ , ac liberales disciplinæ , quarum tam præsens suscepisti patrocinium , ut ad earum domicilium , ac sedem plura aperueris gymnasia , florentes institueris academias , locupletissimas bibliothecas aggrefferis , Juvenum crexeris contubernia , literatorum colonias undique advocaris , quorum videlicet ope , quidquid in pluribus sparsim regionibus addisceretur , id omne una Lusitania edoceret . Senferunt cives , senferunt exteri , quorum calamitatibus sublevandis numquam præsto non fuisti . Quando enim , quod à Te petivisset aliquis , nòn impe-

petravit ? quem egentem vacuis à munere manibus dimisisti ? Cui vexato miserè , & jacenti non adfuisti , cum à Te auxilium expetisset ? Te deslent extinctum inopes , quorum altor cras , & educator , Te viduæ , quarum liberos , & fortunas tuebaris ; Te pupilli , quorum solitudinem tutela juvabas tua ; Te virgines , quarum pudicitiam à malefuada fame tuis opibus vindicabas ; Te Religiosæ Familiæ , quarum egestatem maxima ex parte tuis alebas , ac sustentabas sumptibus ; Te demum omnes omnium ordinum homines , qui tuam in suis periculis fidem , atque præsidium senserunt , profluentibus lacrymis , gementesque desiderant. O justas lacrymas , verissimumque de singulari tua beneficentia testimonium ! O miserum non Lusitanorum modò , sed multorum etiam populorum casum , qui Te tam religiosum , tam providum , tam beneficium Regem amiserunt ! Vixeras quidem satis Tibi , satis gloriæ , satis etiam , si vis , naturæ ; at non satis aliis , qui Te sospite , & incolumi , omnia in tuto esse arbitrabantur ; Te verò erepto , lætitiā omnem , omnemque felicitatem Tecum dolent esse sublatam .

Sed nos ad illud revertamur , unde quodam abstracta doloris æstu , nostra longius aberravit oratio . Quamquam tot , tantisque virtutibus Rex præstantissimus emeretur ; ne qua tamen in eo fuisse videretur , cujus præclarum specimen non præbuisset ; tentari illum ærumnis oportuit , gravissimisque afflicti calamitatibus , ut qui in rebus prosperis miram animi moderationem exhibuerat ; non imparem in perferendis adversis patientiam , atque alacritatem præferret . Decimo itaque ante obitum anno comitali corripitur morbo , tam diuturno quidē , ut eo , quoad vixit , frequentissimè laboraret , tam diro autem , ac tam vehementi , ut non semel ab eo in extremum vitæ discrimen adduceretur . At tantam morbi vim ,
ac

ac diuturnitatem quàm non modò patienti animo, verùm etiam æquo, ac libenti Rex fortissimus toleravit ! Angebatur quidèm ægritudine corpus, sed non frangebatur aninus, qui mortalia supergressus, ad Deum cogitatione avolabat, cumque se ejus nutu, consilioque regi intelligeret, mirificè recreabatur. Invisus proinde, immotusque morbi sæpius recrudescentis impetum læta semper fronte sustinuit, sibi que perpetuò constans, attritis licèt ab adversa valetudine viribus, numquam aut à Christianæ Religionis propagandæ studio, aut à procurandæ Subditorum felicitatis cura divelli potuit. Verùm cum has inter animi curas, corporisque ægritudines REX FIDELISSIMUS paulatim intabesceret, supremumque sibi jam diem imminere divinaret; ut impavidus morti, veluti Christianum Militem decet, occurreret; Sacerdotem è Societate Jesu accersiri jubet, qui se, totamque Regiam Familiam spiritualibus, ut vocant, Sancti Ignatii exercitiis excoleret. Cujus autem est tantum flumen ingenii, cujus tanta eloquentiæ vis, atque ubertas, ut divinum animi ardorem referre possit, quo JOANNES in sacro illo secessu, piisque commentationibus inflammatus, terrena omnia fastidire cœpit vehementius, cælestia ardentius anhelare, mortem denique ipsam impensius expetere, quò resoluta terrena sui corporis compage, liber in Beatorum patriam spiritus commigraret? Nihil prorsus post illos dies, nisi obitum, nihil, nisi veram vitam cogitabat, nihil, nisi immortalitatem meditabatur: Neque verò protracta diutius sunt tam pia vota: gravius enim in dies urgente morbo, brevi se de vita migraturum sensit. Tum ille vultu ad serenitatem composito, Sacerdotem vocari jubet, à quo solebat audiri, animoque perpurgato, ac delictis soluto, Sanctissimum Christi Corpus enixis precibus postulavit, ac religio-

giosè sumpfit : viaticum videlicet pernecessarium ad illud iter extremum in cœlestem patriam conficiendum . Sacro quoque se perungi curavit oleo , quo criminum reliquiæ , & si qua adhuc expianda sibi essent , delicta penitus abstergerentur . Neque illud etiam omisit , ut à Romanæ Sedis Nuncio Apostolicam Benedictionem , ut ajunt , magnopere expetitam impetraret . His instructus armis adversus infestissimos hostes , quos in extremo vitæ exitu insidias morientibus moliri non ignorabat , dum mortem præstolatur impavidus , in Christi è cruce pendentis imaginem defigit oculos , Deiparæ Virginis , aliorumque Cœlitum opem , ac præsidium implorat , solennes Ecclesiæ preces , ut potest , piè recitat , animumque suum è corporis ergastulo fugientem Auctori , & Creatori suo commendat . Tandem pridie Calendas Augusti , qua die anniversaria S. Ignatii Lojolæ , quem mirificè semper coluerat , instauratur recordatio , fortissimus ille animus , solutis vinculis , emergens è tenebris , relinquens concretum , & mortale corpus , nactus liberum cœlum , atque lucem , in illam sempiternam domum triumphans evolavit .

Quid lacrymarum totam familiam putatis profudisse , ubi Regem illum mortuum aspexit , cujus sola præsentia , & comitate recreabatur ? quem ploratum pauperum fuisse ? quem fletum civium ? quem dolorem , & gemitum populorum ? quem mœrorem totius Lusitanæ ? At Vos , mœrentes populi , à Lacrymis tandem temperate , vestroque acerbissimo licet , ac justissimo , statuите modum dolori . Occidit quidè , occidit favissima morbi vi extinctus JOANNES V. , pulcherrimum pacis ornamentum , firmissimum belli præsidium , Religionis studiosissimus defensor , barbararum nationum procurator sollicitus , scelerum vindex acerrimus , bonorum patronus aman-

tissi-

(XII)

tissimus , exemplar tandem virtutum omnium Christianis Principibus à Deo propositum ad imitandum . At post mortem sanctissimè obitam , illam bonis omnibus affluentem immortalitatem adeptus est , in qua virtutum suarum fructus jam capit uberrimos . Levent itaque dolorem vestrum , & præteritarum ejus virtutum , quæ semper vigebit , fama , & veræ beatitudinis , qua semper potietur , recordatio . Recessit ille quidèm à Vobis moriens ; at non recessit totus : reliquit enim Filium , in quo illum cernitis , ac tenetis , & qui Aviti non magis solii , quàm patriæ virtutis hæres , tanta religione , pietate , prudentia , consilioque imperii habenas regit , ut JOANNES ipse in Lusitania adhuc vivere , atque imperare videatur . Huic ergo , si sapitis , post officia debita Parenti ejus amantissimo persoluta , fospitatem , diuturnamque vitam à Deo Optimo Maximo votis omnibus constanter exposcite .

